

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIV No. 17
Oktubre 7, 2003
www.philippinerevolution.org

Editorial

Gloria Macapagal-Arroyo, numero uno nga ipokrita

*Pahayag ni Gregorio "Ka Roger" Rosal
Tagapamaba, Partido Komunista sang Pilipinas
Oktubre 4, 2003*

Numero uno nga ipokrita si Macapagal-Arroyo sa paghambal nga napilitan lang siya sa pagbaylo sang isip bangud sa "mas mataas nga prinsipyo" kag batunon nga "daku nga sakripisyo" ang desisyon nga magdalagan sa 2004. Makasuluka ang pamulong-pulong niya nga maathag nga nagabinutig sa atubang sang pumuluyo nga adlaw-adlaw nagaantos sang tuman nga kabudlayan sa pagkapapet, militarismo, korapsyon kag pagkainutil sang rehimen. Sa atubang sang pumuluyo nga Pilipino makita kon ano kadaku ang benepisyo nga ginaangkon ni Arroyo kag sang iya mga kahimbon sa poder sa padayon niya nga pagpungko sa trono sa Malakanyang.

Wala sang bag-o kag makakilibot sa pag-anunsyo ni Gloria Macapagal-Arroyo sa desisyon niya nga magdalagan sa maabot nga eleksyon sa 2004. Madugay na nga nahibal-an sang bug-os nga pumuluyo ang pagkabuyo niya sa gahum nga iya lubos ginapanginpuslan. Gintalikdan na gani siya sang nakapaminsar nga mga alyado niya.

Ang matuod nga indi masa-

rangan ni Arroyo nga talikdan ang minilyun-milyon nga piso nga nahugakum niya kag sang iya bana bunga sang korapsyon kag dalagku nga pribilehiyo sa negosyo. Indi masarangan ni Arroyo nga talikdan ang hutik sang iya diyos nga si Pres. George W. Bush sang U.S. nga bulag niya gina-idolo kag ginaalagaran. Kag ano nga kaayuhan sa pumuluyo nga Pilipino mahatag sa kagustuhan ni Arroyo nga magpabilin pa sang anum ka



***Mga tampok
sa isyu nga ini...***

**Masaker sa Compostela
Valley, ginkundenar**
PAHINA 4

**Minilyon nga piso
nga kinawatay
sa PAGCOR** PAHINA 6

**Rebolusyonaryo
nga unyonismo,
nagalapnag** PAHINA 7

tuig? Wala duda ang mahatag lang niya amo ang dugang nga kaimulon kag pag-antos sang pumuluyo nga Pilipino; mas malala nga korapsyon kag dugang nga pagpakabusog sang mag-asawa Arroyo, mga anak kag mga kahimbon nila; mas labi nga pag-ikog-ikog sa imperyalismong US kag mas malala nga armadong interbensyon sini sa Pilipinas; kag dugang nga pagsingki sang terorista nga kalakasan sang estado kag kapintas militar batuk sa pumuluyo.



Pat-ud nga todo-todo nga pagbato ang isug-alaw sang pumuluyo sa gin-anunsyo ni Arroyo. Para sa pumuluyo, tuman na kalawig ang halos tatlo ka tuig nga pagpungko sa trono ni Arroyo kon timbangan ang bug-at kag kadamuan sang mga problema nga napapas-an sa ila mga abaga sa idalom sang iya rehimen.

Nagbukal na ang balatyagon sang pumuluyo. "Dalagan, Gloria! Dalagan ka palayo! Halin, Gloria, halin! Maghalin ka sa Malakanyang!"

Ini ang singgit sang mga gutom; sang mga wala trabaho; sang mga isang kahig, isang tuka; sang mga pamatan-on nga indi makabutho; sang mga estudyante nga muklat sa kapigusan kag kaimulon; sang mga ordinaryo nga titser kag empleyado;

sang mga nagaali-wasa nga suldado; sang mga nagakaputo nga negosyante. Ini ang singgit sang pumuluyo nga Pilipino!

Nagtraidor si Arroyo sa EDSA 2. Ang mga kaso sang korapsyon sang iya

pamilya kag pinakasuod nga mga abyan kag kahimbon sa pulitika pareho kalangsa sa dalagku nga kaso sang korapsyon nga ginakangil-aran kag nagpapukan sa rehimeng Estrada. Samtang siya nagabuy-unan, bisan kis-a kag bisan gamay wala ginpasakaan ang kulang nga sweldo sang mga mamumugon kag ordinaryo nga empleyado. Ilubong na sa limot ang reporma sa duta kag kabaliskaran sini ang paghatag sang malaparan nga pagpang-agaw sang duta sang mga dalagku nga agalon nga mayduta kag dumuluong nga

korporasyon kag rekonsentrasyon sang pagpanag-iya sang duta sa mga agalon nga mayduta, usurero kag burges kumprador.

Nagtraidor si Arroyo sa pungsodnon nga interes. Ginbugaw niya ang pungsodnon nga soberanya agud lamang pasugtan ang kapritso sang iya imperyalista nga amo kag mga armadong tropa sini. Labi pa niya ginbukas ang ekonomya agud labaw kadalok nga hugakumon ini sang dalagku nga kapitalista nga dumuluong.

Nagtraidor si Arroyo sa demokrasya kag kalinungan! Ginbasura niya ang sugilanon pangkalinungan sa National Democratic Front kag ang tanan sang mga napirmahan na nga kasugtan. Ginpangibabaw niya ang desisyon sang mga militarista sadto sa doktrina sang "kontra-terorismo" sang imperyalismo. Kalakasan ang sabat sa demonstrasyon. Ang mga nagapabutyag pilit nga ginapahipos.

Pat-ud nga sikwayon sang pumuluyo si Gloria Arroyo sa 2004-kon makaabot pa siya sa eleksyon. Ginpakita sang pumuluyo ang sobra nga pagkaakig sa iya, bisan nga kon usisaon wala man sila sang mapilian.

Milagro lamang sa porma sang sobra-sobra nga pagdinaya, kalakasan, pagpanuhol kag maniobra sang US ang mahimo makapadaog sa iya sa eleksyon 2004. Kon amo sini, ang pagpadayon kag paglala sang mga polisiya kag tikang nga igapatuman niya amo man ang magatuga sang dugang nga paglala sang krisis sa pangabuhian kag pulitika sang pungsod, magatay-og sa iya rehimen kag magapaigrab sang mas mabaskog kag malaparan nga pagbatu sang pumuluyo.

Sa pagpamilit ni Arroyo nga magpabilin sa poder, labi niya ginahangkat ang pumuluyo nga pukanon ang iya rehimen kag kadungan sini dugang pahinaon ang bug-os nga nagahari nga sistema. AB



Tuig XXXIV No. 17 Oktubre 7, 2003

Ang **Ang Bayan** ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: **angbayan@yahoo.com**

Kaundan

Editorial

Arroyo, numero uno nga ipokrita	1
Ipursiger ang ligal nga panghimakas	2
Masaker sa Compostela Valley	4

Mga koresponsal

Kabutigan sg AFP	
sa Ilocos-Cordillera	5
Kinawatay sa PAGCOR	6
Rebolusyonaryo nga unyonismo	7
Gera sg mga tribu sa Kordilyera	8

Sa luwas sg pungsod

US, Israel, nagaani sg kondensasyon	10
-------------------------------------	----

Balita	11
---------------	-----------

Ang **Ang Bayan** ginabantala duha ka beses kada bulan sang Komite Sentral sang Partido Komunista sang Pilipinas.

Ipursiger kag pangapinan ang ligal kag demokratiko nga paghimakas sang pumuluyo

Madasig nga nagasulunod kag nagadamo ang kaso sang mapintas kag masingki nga pagpangtapna sang reaksyunaryo nga estado kag iban pa nga pasista nga pwersa sa nagahimakas nga pumuluyo.

Sining karon lang, nadugangan ang nagahaba nga listahan sang mga biktima sang pagpangtapna sang AFP kag mga grupo nga paramilitar sini sang brutal nila ginpatay ang apat ka aktibista nga pamatan-on sa Compostela Valley sa Mindanao kag kuoton ang isa pa sa Cebu. (*Lantawon ang kaangot nga artikulo.*)

Bag-o sini, nagtampok ang pagpatay sa mga mamahayag nga aktibo nagaatake sa korapsyon, kagarukan kag kalakasan sang reaksyunaryo nga gubyerno kag burukrasya, mga oportunistang pulitiko, mga puno militar, mga sindikato nga kriminal kag iban pa nga elemento nga nagaatake kag nagahari sa katilingban.

Ang paglala sang pasista nga terror talamdan sang desperasyon sang mga pasista nga tapnaon ang nagingki nga pagbato sang pumuluyo. Ang reaksyunaryo nga estado kag mga pasista nga pwersa sa pagpamuno subong ni Presidente Arroyo dugang nga wala balatyagon sa mga mamumugon, mangunguma kag iban pa nga ginapigos kag ginahimuslan nga sektor. Pangunahon nakasentro ang pinakamapintas nga pasista nga atake sa mga ligal nga demokratiko nga pwersa nga mapangahas na nagabuyagyag kag nagapakamalaut sa nakita nila nga sobra-sobra nga pagpamigos, kagarukan kag pagkainutil sang nagaluntad nga gubiyerno, estado kag sistema pangkatilingban kag nagapursiger magpukaw, mag-organisa kag magmobilisa sang pumuluyo. Daku ang kakulba sang rehimen sa mapagsik nga paghulag sang mga demokratiko nga pwersa para ihayag ang pinakaulihi nga malala nga kaso sang baraghal kag dalagkuan nga korapsyon sang Malakanyang kag manawagan sang

pagpahalin kay Gloria Arroyo.

Bunga man sang kapaslawan sang AFP nga pungan ang pagbaskog sang rebolusyonaryo nga armadong paghimakas, ginapuntirya nila ang ila mga pusil kag kanyon sa mga di-armado nga sibilyan kag aktibista kag ginahatagan-rason ang mga paglapas sa tawhanon nga ginamatarung paagi sa paliwat-liwat nga linya nga ang mga ini mga prente sang mga komunista.

Wala kutod ang ambisyon sa pagpangtapna sang subong nga rehimen kag sang amo sini nga imperyalismong US. Padayon kag paliwatliwat sini ginatuyo kag ginamanibra ang paghimo layi sang mga pasista nga tikang pareho sang National ID System kag hagna nga kontra-terorismo.

Sa atubang sang mga ini, kinahanglan maid-id nga hatagan tumok sang mga rebolusyonaryo kag demokratiko nga pwersa, mga tawo sa masmidya kag iban pa ang mapangahas nga pagbuyagyag kag pagkunderar sa pasista nga estado kag mga berdugo, labi na sa mga utok sang wala ginapasin-o nga pasista nga terorismo sa tuyo nga kugmaton kag paatrason ang pagbato sang pumuluyo. Kinahanglan ang nagapadayon nga pagpanawagan sa pumuluyo nga indi maghipos kundi ikambyo ang kasubo sa mapangahas nga pagtindog, pagpamatuk kag pagbaskog sang kahublagan protesta batuk sa pasismo kag reaksyon.

Kinahanglan ang dugang nga determinasyon kag kapagsik nga pukawon, organisahon kag pahulagon ang malapad nga masa sang pumuluyo. Kinahanglan labi nga engganyuhon ang mga pamatan-on nga mas malaparan kag mas mada-

luman nga maggamot sa kubay sang pareho nila nga pamatan-on kag sa masa sang pumuluyo. Kinahanglan hatagan sang partikular nga igtalupangud ang pagmobilisa kag pagbulig sang mga nahanungang pwersa.

Nagakadapat man pirme mangin mabinantayon agud mapamatukan kag mapungan ang pagpanaog sang mga tikang nga mahimo magabot sa hayagan nga pasista nga pagginahum. Ipursiger ang paghimakas para mapukan ang mapiguson nga rehimen kag sa kaulihanan pukanon ang bug-os nga pasista nga estado kag reaksyunaryo nga nagahari nga sistema kag agumon ang isa ka tunay nga demokratiko, makapumuluyo kag hilway nga gubyerno sang pumuluyo.

Kadungan sang pagpakita sang dugang nga pagpakamalaut kag protesta sang mga demokratiko nga pwersa kag pumuluyo, ginatuga man sang pagbaskog sang terorismo sang estado kag mga pasista nga pwersa ang pagsulong sang rebolusyonaryo nga armadong pagbato sang pumuluyo. Kon usisaon, ang paglala sang pasista nga teror patimaan man sang ginlabot na nga inaway sa tunga sang rebolusyon kag kontra-rebolusyon kag sa kahadlok sang rehimen kag mga pasista sa dugang nga nagabaskog nga pagbato. Ang rehimen ng Arroyo kag mga pasista mismo ang nagatudlo sa nagadamo nga pumuluyo sa kawad-on sang anuman nga paglaum sa idalom nga nagahari nga sistema. Ang wala hawid nga kapintas kag kalakasan sini nagaduso sa ila nga sundon ang rebolusyonaryo nga dalan sang pagbag-o sang katilingban. Samtang nagabaskog ang pasista nga teror sa kaumhan kag kasyudaran, nagadamo kag nagadamo ang nagaentra kag nagasupporta sa armadong rebolusyon. AB

Pagmasaker sa apat ka aktibista sa Compostela Valley, mabaskog ginkundenar

PAREHO kainit sang adlaw ang balatyagon sang mga katapu sang Anakbayan kag mga partido Anak sang Bayan kag Anakpawis sadtong hapon sang Septyembre 26 samtang ginahiwat nila ang rali sa atubang sang City Hall sang Tagum, Davao del Norte. Mabaskog nila nga ginkundenar ang rehimeng Arroyo ka ang militar sa pagkuot, pagtortur kag brutal nga pagpatay sining karon lang sa apat ka pamatan-on.

Pakadto sa poblasyon sang Maco, Compostela Valley sadtong Septyembre 19 ang mga aktibista nga sanday Marjorie Reynoso, 18; Jonathan Benaro, 16; kag Lito Doydoy, 27; kag si Ramon Regase, 17, nga drayber sang ginasakyan nga traysikel, sang kuoton sila sang mga militar. Ginabangan sila malapit sa Hijo Plantation sa Apokon, Davao del Norte, 50 metros lamang sa isa ka detatsment sang PNP. Pwersahan sila nga ginsakay sang lima ka nakamaskara kag armado nga kalalakihan sa isa ka Tamaraw FX. Suno sa mga nakasaksi, ginluthang sa batiis ang duha ka pamatan-on nga aktibista sang magtuyo sila nga malagyo.

Kahimuan sang Intelligence Security Unit (ISU) sang militar ang

pagkuot kag pagpatay sa apat ka pamatan-on, suno kay Rigoberto Sanchez, tagapamaba sang Merardo Arce Command sa Southern Mindanao. Suno kay Sanchez, ginpamunuan ni Capt. Denmark Mamaril ang operasyon, upod sanday 1st Sgt. Roy Telang Adan Marcus, mga operatiba sang *intelligence*.

Gindala sang mga militar ang apat sa isa ka *safehouse* sa Trento, Agusan del Sur.

Ginlugos, gintortur. Mga alas 12:00 sang udto adlaw sadtong Septyembre 23, nakit-an sang isa ka mamumugon kag isa ka gwardya ang mga bangkay sang apat sa Area 307 sang Selecta Farm sa Barangay Osmena, Compostela. Suno sa imbestigasyon sang pulisya, gintortur

anay ang apat antes ginpatay.

May mga marka sang pagpaantos sa lawas sang mga biktima. May mga talamdan nga ginlugos si Reynoso, tagapamuno sang Sangguniang Kabataan (SK) sang Barangay Anislagan kag *municipal coordinator* sang Anak ng Bayan sa Maco. May marka sang *masking tape* ang iya bibig. Wasak ang bungo tuga sang igo sang bala. Sanday Benaro, miembro sang SK sang Barangay Mapaang kag miembro sang Anak ng Bayan, si Doydoy, organisador sang Anakbayan, kag pati ang drayber nga si Regase may mga marka sang lubid sa ila liog kag mga buno sa nagkalain-lain nga bahin sang lawas. Ginlubong sila nga wala halos sang panapot sa isa ka manabaw nga kutkot.

Suno sa Karapatan-Southern Mindanao, maathag nga ang pagkuot kag pagpatay sa mga militante nga pamatan-on nagatuyo nga ipiton, pahugon kag pahipuson ang mga progresibo kag patriyotiko nga organisasyon nga kritikal sa guberno.

Ginpakamalaut man sang Anakbayan-Southern Mindanao ang hugot nga pagpang-espiya, pagpangpresyur kag pagpamahog sang militar sa mga lider kag miembro sang ila organisasyon. Gin-ako mismo ni Lt. Col. Agane Adriatico, hepe sang Civil Relations Group sang Philippine Army sa Southeastern Mindanao, ang pagpanilag nila sa pamatan-on. Pilit niya ginapangin-wala ang kahilabtan sang militar sa pagsalbeyds sa apat kag sa tigaylo kahalam-utan nga gintudlo ang akusasyon sa Bag-ong Hangaway sang Banwa.

Nagadamo ang nagabato nga pamatan-on. Ang makasiligni nga krimen nga ini nagapakita sang mabaskog nga kahadlok sang rehimeng Macapagal-Arroyo sa mga militante nga pamatan-on, suno kay Andres Guerrero II, tagapamaba sang Kabataang Makabayan. Sa ka-



matuoran, ginakakulbaan sang rehimen ang padayon nga pagdaku kag pagbaskog sang rebolusyonaryong hublag nga lubos ginasakdag sang nagapadamo nga pamatan-on," siling ni Guerrero.

Suno naman kay Gregorio "Ka Roger" Rosal, tagapamababa sang Partido Komunista sang Pilipinas, ginawaslikan sang kakig sang rehimen Arroyo ang pamatan-on nga madamuan nagaentra sa BHB. Siling niya, ang gubyernong Arroyo ang pagabweltahan man sang taktika nga ini bangud nagadamo nga nagadamo ang pamatan-on nga nagaentra sa rebolusyonaryo nga hublag kag BHB sa mga lugar nga ginalunsaran sang terorista nga *all-out war*.

Coordinator sang Bayan Muna, gin-kuot. Samtang ginakundenar sang mga demonstrador sa Tagum City ang militar kag pulisya sa pagkuot kag brutal nga pagpanalbeyds sa apat ka aktibista, gin-kuot man sang gab-i nga ina ang *regional coordinator* sang Bayan Muna-Central Visayas. Ang mga nagkuot sa iya mga tinawo sang Regional Intelligence and Investigation Division (RIID).

Pauli siya sa Mandaue City sang lambatan sang duha ka ahente sang RIID kag pwersahan nga ginsakay sa isa ka *van*. Gindala siya sa isa ka *safehouse* sa Lapu-Lapu City kag gintanyagan nga mangin importer sang RIID. Gin-interogar siya bahin sa mga hulag sang Bayan Muna kag mga ginapatihan lider sang NDF kag BHB sa rehiyon. Nag-angkon sang kahigayunan nga makatawag sa abugado sang Bayan Muna ang biktima sang bayaan siya sa *safehouse* sadtong Septyembre 27. Ginkadtuan siya didto kag ginkuha sang abugado.

Ginpakamalaut naman sang Bagong Alyansang Makabayan (BAYAN)-Panay kag ni Bokal Cesar Talabucon sang Capiz, si Maj. Oscar Lasangue sang AFP Civil Relations Group sang iangot sini ang BAYAN, Bayan Muna kag mismo si Talabucon sa mga hilikuton sang rebolusyonaryo nga hublag. Suno sa BAYAN, tuyo sang mga wala basehan kag malisyoso nga akusasyon sang militar nga ikundisyon ang paminsaron sang pumuluyo nga batunon ang nagabaskog nga mga opensiba sang militar batuk sa ligal nga demokratiko nga hublag kag personahe sini. AB

Sa Ilocos-Cordillera

Mga kabutigan sang AFP, ginpakamalaut sang BHB

Sa duha ka separado nga pahayag, ginpangin-wala sang BHB sa Ilocos-Cordillera ang mga kabutigan kag saywar sang AFP sa rehiyon. Bangud wala sang mapakita nga mga kadalagan kag agud takpan ang ginahimo nga paglapas sa tawhanon nga kinamatarung, naglubid na sang balas ang militar.

Suno sa Jennifer "Maria" Carino Command-BHB Benguet (JCC), ginapasibangud sang AFP sa BHB ang pagkawat sang P20 milyon nga kantidad sang mga bara nga bulawan kag pagpatay sa lima ka minero upod ang isa ka inhinyero sa Lepanto, Mankayan sadtong Septyembre 20. "Indi buluhaton sang BHB ang maghimo sang kriminal nga aktibidad para may pondo. Wala ini nagakawat kag nagakurakot kumpara sa AFP kag labi nga wala ini nagatanom sang marijuana para masabat ang galastuson sang rebolusyon," siling ni Ka Sey-ang Rayos, tagapamaba sang JCC. Mabaskog nga ginkundena sang JCC ang pagpatay sa isa ka inosente nga sibilyan sa Tabbac, Bulalacao, Mankayan kag mga paglapas sang 54th IB kag PNP sa tawhanon nga kinamatarung sang mga taga-Mankayan pagkatapos kawatan.

Ginpangin-wala man sang Leonardo Pacsi Command-BHB Mt. Province (LPC) ang ginapabugal sang AFP nga 11 Pulang hangaway ang napatay, duha ka dalagko nga kampo kag mahalalon nga dokumento ang naagaw sa operasyon nga ginlunsar sang AFP sa prubinsya sadtong Hulyo 19-Septyembre 2. Suno kay Ka Magno Udyaw, tagapamaba sang LPC, isa ka kaupod lamang ang napatay sa inaway. Madugay man nga naabandonar ang mga ginasambit nga kampo kag wala sang mga dokumento nga nakit-an una ang mga suldado.

Ginkundenar sang LPC ang pagpatay sang AFP kay Etfew Chadyaas, isa ka mangunguma nga taga-Belwang, Sadanga nga ila nasumalang sa dalan kag ginparada bilang katapu sang BHB. Labaw nga pagpaantos sa pumuluyo ang ginbunga sang masobra isa ka bulan nga operasyon militar. Suno sa LPC, natublag ang mga hayup pang-uma, nasamad ang mga ginakuhaan sang tubig kag madugay nga gindumilian mag-ani ang mga mangunguma gani nasamad ang ila mga produkto. Gintampalas man sang AFP ang ritwal sang *tengaw* nga ginahiwat sadto sang masa sa Bontoc. Ginkawatan pa sang mga suldado ang mga talaguan sang humay sang mga mangunguma sa Mainit kag gin-ihaw ang isa ka karbaw agud kan-on.

Liwat nagpanawagan ang LPC sa mga suldado kag CAFGU nga indi magpagamit bilang instrumento sang kalakasan batuk sa kapareho nila nga pigos sa mga operasyon militar. Mas maayo nga sundon nila ang halimbawa sang mga pareho nga tropa nila sa 502nd Bde nga nag-AWOL sadtong Agosto sa tunga sang isa ka operasyon. AB

Minilyon nga kinawatay sa PAGCOR

Isa pa gid ka bulugasan sang mga nagahari nga sahi ang nagakaputo bangud sa paghugakom sang subong nga rehimen. Ang Philippine Amusement and Gaming Corporation (PAGCOR) nalubong subong sa utang nga P1.4 bilyon.

Indi tani magkautang ang PAGCOR sa daku nga pondo nga nagasulod diri. Pero bangud sa malaho nga pangabuhi sang mga upisyal sini, sa damo nga ginpasulod nga mga bag-o nga upisyal kag empleyado nga indi man kinahanglanon kag sa korapsyon nga ginatago bilang donasyon, nalubong sa utang ang korporasyon.

Sa PAGCOR naghalin ang pondo sang Malakanyang para sa kuno mga proyekto sang presidente kag iban pa nga ahensya sang gubyrno. Ini man ang isa sa mga pangu-nahon nga nagapondo sa De-

partment of Social Welfare and Development kag Philippine Sports Commission. Bangud sa daku sang pondo sini kag relatibo nga kahalugon sang korporasyon sa paghatag sang bulig pinansyal kag ayuda, tradisyunal na ini nga bulugasan sang tanan nga mga reaksyunaryo nga rehimen. Luwas sini, wala ginaawdit sang Commission on Audit ang PAGCOR.


Gani isa sa mga una nga tikang ni Arroyo pagkapungko gid niya sa poder amo nga ipwesto sa PAGCOR si Ephraim Genuino, tampad kag masaligan nga opereytor sang pa-

milya Arroyo kag iban pa nga upisyal nga dukot kay Unang nga Ginoo Jose Miguel Arroyo kag sa ila prente nga partido Bigkis Pinoy.

Gilayon nga nagbutang si Genuino sang dugang nga 2,000 ka empleyado sa PAGCOR kag masobra 100 konsultant upod ang pila ka peryodista. Ginaswelduhan ang mga ini sang halin P10,000 tubtub P50,000 kada bulan. Kon tipunon, maabot sa P2.5 milyon sadtong 2000 pakadto P86 milyon sadtong 2002 ang gingastos sang PAGCOR para sa "bonus kag iba pa nga benepisyo."

Luwas sini, halin 2001 naggasto ang PAGCOR sang P120 milyon para sa dugang nga 100 ka malahalon nga salakyan. Wala huya nga ginhatagan sang mga puno sang ahensya ang ila mga kaugalingon sang "benepisyo" para makabakal sila sang malalahalon nga kotse. Si Genuino bilang puno nakabakal sang P2.5 milyon nga kotse samtang ang iban pa nga *board member* ginhatagan sang tig-P2 milyon nga kotse.

Gintuyo ni Genuino nga ilikom kag takpan ang anomalya paagi sa pagpugong sa pagkabuyagyag sini sa midya. Hingalit nga napunggan ang pagkabuyagyag sang *Probe Team* (isa ka programa sa telebisyon) kaangot sini sang paandaman sang rehimen ang GMA-7 nga iatras sini ang pagpagguwa sa isa ka istasyon sang ano man nga anunsyo sang gubyrno. Magakahulugan ini sang 6% nga buhin sa kita sang istasyon. Ginpagguwa lang ang report sang *Probe Team* pagkatapos pila ka simana nga nagareklamo ang mga tagamidya kag madamo nga pumuluyo sa pagpangbusal sa kahilwayan sa pagpamahayag.



Nagabaskog, nagalapad ang rebolusyonaryo nga unyonismo

HUMALIN nga ginhiwat ang Ikaduha nga Pungsodnon nga Kumperensya sang Rebolusyonaryo nga Kahublagang Mamumugon sadtong Septyembre 1998, sunod-sunod nga nagmadinalag-on ang rebolusyonaryo nga kahublagang mamumugon labi na sa pagtukod kag konsolidasyon sang Partido sa ila ranggo. Suno sa mga kaupod sa idalom sang Pungsodnon nga Departamento sa Organisasyon, ini ang kongkreto nga resulta sang husto nga polisiya kag hilikuton nga gintumod sadtong 1998.

Kadungan sa naabot nga maayo nga pagpaid-id sang rebolusyonaryo nga pag-organisa sang mga mamumugon tubtub sa pagtukod sang mga rebolusyonaryo nga unyon kag sanga sang Partido sa mga pabrika, ginpasanyog man sang mga kaupod ang pag-organisa sa mas madampo nga mamumugon nga wala mapasakup sa isa ka unyon, amo man ang mga unyon nga napaidalom sa mga dalag nga pederasyon kag liderato.

Sa sulod sang tatlo-ka-tuig nga programa nga ginbalay sang kumperensya, nagdaku sang 300% ang numero sang mga katapu sang Partido kag aktibista sa mga unyon. Umpisa 1998 tubtub katapusan sang 2002, nagdaku man sang 70% ang numero sang mga unyon nga nasakup sang departamento.



Nagapadayon ang madasig nga tantos sang pag-uswag tubtub sa subong. Sa subong, 60% sang mga nasakup nga unyon mga rebolusyonaryo nga unyon ukon indi gani sa nagkalain-lain nga lebel sang pag-uswag pakadto sa rebolusyonaryo nga unyon. Sa isa ka rebolusyonaryo nga unyon, signipikante nga isip sang mga katapu mga miembro sang Partido. Nakalunsar na ini sang mga lokal nga paghimakas nga nakasentro sa pagpataas sang lebel sang pangabuhian kag pag-insister sang mga demokratiko nga kinamatarung sang mga katapuan sini. Aktibo ang mga nasambit nga unyon nga ini sa paghimakas sa anti-mamumugon, anti-union kag kontra-welga nga opensiba sang estado. Aktibo man sila nga nagapartisipar sa mga paghulag sa nagabaskog nga pasismo kag interbensyon militar sang US kag muklat sa ila papel sa pagpasulong sang demokratiko nga rebolusyon sang banwa.

Pagtukod sang Partido. Sa subong, wala ginatalanaan sang maksimum ang mangin numero sang mga katapu sang sanga sang Partido. Matuod nga may pila ka magagmay nga sanga nga ginatapuan sang kulang sa 15 katapu, kinaandan na ang mga sanga nga masobra 30 ang katapu. Sa isa ka pinakamauswag nga pabrika nga sakup sang departamento, masobra 60% sang mga mamumugon ang katapu sang

sanga sang Partido.

Sa inagihan sini sa nagtaliwan nga lima ka tuig, madasig nga natukod ang Partido kag rebolusyonaryo nga likum nga kahublagan. Nangin yabi diri ang hugot nga pagsunod sa mga resolusyon bahin sa solido nga pag-organisa sa mga pabrika. Isa ka halimbawa ang isa ka pabrika nga nakaorganisa sang sanga kag likum nga kahublagan sang mga aktibista sa sulod lang sang tatlo ka bulan umpisa nga maangutan ang una nga kontak nga mamumugon. Pagkatapos sang lima pa ka bulan, nagdaku pa sang masobra anum ka beses ang numero sang mga katapu sang Partido.

Ginpanday sang inagihan. Dugang nga nagdasig ang pag-organisa sa pabrika sang mapanday ang mga mamumugon sa mabaskog nga paghimakas para pangapinan ang ila kinamatarung nga mag-union.

Pila ka beses nga nagtinguha nga magtukod sang unyon ang mga mamumugon ugaling wala sila nagmadinalag-on bangud mga dalag nga pederasyon ang ila naangutan.

Nagmadinalag-on lamang sila nga tukuron ang isa ka matuod, nagabato kag makabanwa nga unyon sang maangutan sila sang mga militante nga pederasyon.

Pero nangin madasig man ang reaksyon sang kapitalista. Sang mamutikan sini ang mga pang-umpisa nga tikang sang mga mamumugon nga magtukod sang unyon, gintuyo sang mga kapitalista nga pagguwawon ang tanan nga makina kag padayunon ang operasyon sa iban nga lugar. Wala ini gintugutan sang mga mamumugon. Ginbarikadahan nila ang mga ginasudlan kag guluwaan sang pabrika tubtub wala sang mahimo ang kapitalista kundi makignegosasyon sa ila. Subong ginkilala na sang kapitalista ang unyon kag nahimo na ang negosasyon para sa *collective bargaining agreement*.

Batuk sa dalag. Sa isa pa ka pabrika, naglunsar sang paghimakas

ang mga mamumugon agud makalampuwang sa kuko sang dalag nga pederasyon. Pila ka tuig nga nagpursiger ang mga mamumugon para mapahalin ang ila dalag nga lider.

Sa proseso sang mabaskog nga paghimakas, dugang nga napanday ang mga mamumugon. Nagdamo ang numero sang mga aktibista nga nakaentra sa likum nga grupo. Sa sulod sang tatlo ka bulan natukod ang isa ka kasaranggan kadaku nga sanga. Masobra doble ang gindaku sini pagkatapos sang duha pa ka bulan. May hilikuton pang-organisa sa kubay sang mga mamumugon nga inadlaw kag bulanan ang sweldo, sa mga superbisor kag mangin sa mga gwardya sa pabrika. Isa ka daku nga sanga ang nagaasikaso sa hilikuton sang Partido sa nagkalain-lain nga grupo sang sanga sang pabrika.

Bangud sa daku sang ginlab-ot nga numero sang mga miembro sang Partido, may ikasarang na ini magtungod sang hilikuton sa guwa sang pabrika. Kadam-an sa ila naga-organisa sa mga kaingod nga pabrika kag sa mga komunidad sa palibot.

Suporta sa armadong paghimakas. Isa sa pangunahon nga hilikuton sang mga sanga kag rebolusyonaryo nga unyon diri ang magsuporta sa armadong paghimakas. Kada sanga may ginasuportahan nga prenteng gerilya sa mga rehiyon nga labing nagakinahanglan sang bulig. Nagapadayon sila pagpatuhaw sang mga materyal nga suporta, lakip ang mga pusil, bala kag iban pa nga kagamitan militar. Ugaling pinakamalahalon gihapon nga amot sa rebolusyonaryo nga kahublagang mamumugon diri amo ang pila ka pulo nga hangaway sang Bag-ong Hangaway sang Banwa nga napatuhaw kada tuig.

Sining karon lang, madamo sa gatus-gatos nga kontraktwal nga mamumugon ang nagkadto sa kaumhan kag nag-entra sa BHB.

Duha lamang ang mga pabrika nga ini sa madamo pa nga pabrika sa bugos nga pungsod nga ginahalanan sang sandigan nga kusog sang Partido kag rebolusyonaryo nga kahublagan. AB


Gera sang mga tribo kag ang *bodong* sa Cordillera

Sining mga ulihi nga tuig, may panibag-o nga paglupok sang gera sang mga tribo sa Cordillera bangud sa sugyot sang mga reaksyunaryo nga pulitiko, militar kag pwersa nga paramilitar kag mga sindikato sa rehiyon.

Tampok ang liwat nga pagpanulsol kag pagpasingki pa sang Cordillera People's Liberation Army (CPLA), isa ka kontra-rebolusyonaryo nga grupo na nangin pwersa paramilitar na sang AFP kag PNP) sa madugay nagaluntad nga gera sa tunga sang tribo Butbut sa Tinglayan, Kalinga kag sang tribo Betwagan sa Sadanga, Mt. Province. Para palaparon ang ila iligal nga pag-utod kahoy kag pagtanum sang marijuana, nagsulod ang CPLA nga pangunahon nakabase sa Tinglayan sa mga kadutaan nga sakup sang Betwagan.

Nagsunson man ang paglupok sang mga *tribal war* bunga sang Local Government Code nga nagaduso sa mga tribo, baryo kag banwa nga magsakup sang dugang nga teritoryo halin sa mga kaingod agud mapadaku ang ila Internal Revenue Allotment.

Gera kag bodong. Ang gera sang mga tribo isa ka kinaradto nga pamaagi sang mga tribo agud resolbahon ang kontradiksyon sa



tunga nila base sa kusog kag konsepto nga "ngipon sa ngipon" tubtub maangkon ang pagkapatas ukon indi gani mabakod mapabilin sang isa ka desaysibo nga bentaha batuk sa pihak nga tribo.

Kon may gera sa tunga sang mga tribo, ang tanan-tigulang kag bata, lalaki kag babaye-ginamobili-sa sa lain-lain nga aspeto sang gera-halin sa pagtipon sang mga sup-lay nga pagkaon, pag-areglo sang depensa, pagtipon sang armas kag bala, pag-gwardya, pagpanilag sa hulag sang pangontra nga tribo tubtub sa pag-atake kag pag-atras. Tanan nga miembro sang magka-away nga tribo diin man sila naga-estar, pati ang mga inosente kag wala sang inugbato-target sang atake.

Ang *bodong* naman isa ka institusyon sang mga tribo para pauntaton ang gera sa ila kubay, siguruhon ang proteksyon sang kada isa kag tukuron ang malinong kag magkaalyado nga angtanay. Nagaporma ini sang maathag nga mga kasugtanan sa tunga sang duha ka tribo angot sa mga halambalanon nga malahalon sa kada tribo. Lakip diri ang halambalanon sa duta, mga resorsa kag dulunan sang teritoryo, kabuhi, pangabuhian, pagpanag-iya, hustisya kag dunggog sang magtimbang nga tribo.

Paagi sa *bodong*, ginaresolbar ang lain-lain pa nga halambalanon nga ginaawayan ukon kinahanglan aregluhon kag pagbuligay sang mga *binodngan* (komunidad nga nagahimo sang *bodong*). Sa prinsipyo kag sa praktika, aktibo nga nagapartisipar ang Partido kag BHB sa pagpauntat sang gera sang mga tribo kag sa pag-impluwensya kag paggiya sa pagtukod kag pagsakdag sang mga *bodong*. Ginasiguro nga indi mientras tanto maimbolbar sa gera sang mga tribo ang BHB bilang hangaway sang bilog nga pumuluyo kag ang mga armado nga pwersa sang reaksyunaryo nga

estado ang kaaway sang bilog nga pumuluyo. Aktibo nga ginasulong sang Partido kag sang BHB ang makatarungan nga kalinungan sa kubay sang mga tribo kag sang mga pumuluyo agud itumod ang pagbato sang pumuluyo sa mga reaksyunaryo nga nagahari nga sahi nga amo ang matuod nga kaaway sang pumuluyo. Sandig sa ining prinsipyo nga ang mga kontradiksyon sa kubay sang pumuluyo sekundaryo kag di antagonistiko.

Ang mga halambalanon sang mga tribo pwede resolbahon sa matawhay kag demokratiko nga pagareglo, lakip na ang paggamit sang tumanduk nga paagi pareho sang *tungtongan* kag pagareglo. Sa tuyo nga gilayon kag estratehiko nga pagpauntat sang gera sang mga tribo, ginatumod sang rebolusyonaryo nga hublag ang ginahalin sang mga ini kag ang mga kinahanglanon nga tikang. Katuwang ang pumuluyo, ginatumod, ginabuyagyag kag ginapamantuan sini ang mahigko nga katuyuan sang mga reaksyunaryo nga pwersa nga nagapangsulsol sang gera para sa kaugalingon nga interes.

Progresibo nga *bodong*. Ginakilala kag ginarespeto sang rebolusyonaryo nga hublag ang mga tumanduk nga areglo, lakip na ang *bodong*. Ang mga progresibo nga aspeto sang mga tumanduk nga areglo ginabuyok, ginapauswag kag ginabutangan sang rebolusyonaryo nga kaundan, pareho sang pagpat-ud nga pagatindugan ang anuman nga daku nga paglapas sa hustisya, ang pagkasugot para sa kalinungan, ang pag-amligan sa kapalibutan, ang pagkilala sa duta kag mga duna nga manggad bilang kolektibo nga pagpanag-iya sang tanan kag indi sang pila. Ang mga

negatibo nga aspeto sang mga gin-kaugalian nga tumanduk ginatikway. Ginakilala sang rebolusyonaryo nga hublag nga ang obligasyon sang mga tribo nakapaidalom sa *bodong* nga maglunsar sang gera sa kaaway nga tribo negatibo nga aspeto sang mga kaugalian nga *binodngan* kag sa sini dapat dulaon. Imbes mag-ilinaway, ginabuyok sini nga isaylo sang mga tribo ang ila pag-away sa komun

**Imbes mag-ilinaway,
ginabuyok sini nga isaylo
sang mga tribo
ang ila pag-away sa komun
nga kaaway sang mga
pungsodnon nga minorya,
kag amo man sang bilog
nga pumuluyo...**

nga kaaway sang mga pungsodnon nga minorya, kag amo man sang bilog nga pumuluyo-ang reaksyunaryo nga estado kag mga reaksyunaryo nga nagahari nga sahi nga nagahimulos kag nagapamigos sa ila.

Bisan madamo pa nga salin sang mga primitibo nga porma kag pamaagi sini, nadula na sa kadam-an ang kinaradto ukon tradisyunal nga *bodong* nga nagluntad antes naglapnag kag nanalupsop sa bilog nga pungsod ang malapyudal kag malakolonyal nga sistema. Sa lugar sang mga *binodngan* kon diin nangibabaw pa ang kontrol kag impluwensya sang mga reaksyunaryo sa halambalanon sang gera sang mga tribo kag *bodong*, ang nagaluntad amo mga balikong *bodong*. Sa mga lugar naman kon sa diin mas nangibabaw ang pagpamuno kag impluwensya sang rebolusyonaryo nga hublag, aktibo ginaimpluwensyahan kag ginaubayan sang Partido kag BHB ang pagtukod sang *bodong*. Ini mas progresibo, demokratiko kag makabanwa.

Ginasakdag sang bag-ong tipo nga *bodong* ang interes sang mga ginahimuslan kag ginapigos nga masa sang pumuluyo kag ginhukpong sini ang mga tribo padulong sa makasahi nga paghiliusa sang mga pigos kag ginahimuslan, batuk

sa mga kaaway sang pumuluyo nga Pilipino. Kadungan sang paghimakas para sa kaugalingon nga pagdesisyon, ginasulong sang bag-ong tipo sang *bodong* ang paghimakas para sa pungsodnon nga kahilwayan kag demokrasya. Wala ginalimiti sa tigduha ukon pila ka pila ka tribo nga *binodngan* kundi sa pinakamalapad nga kubay sang mga tribo. Mauswagon ang pagpaluntad sini sang demokrasya-wala nalimita sa pila ka *pa-ngat* (lider sang tribo) ang pagdesisyon kundi ginapaentra ang mayorya sang tribo. Sa partikular, mabaskog ang tingog sang mga ginhimnuslan kag pigos, amo man sang kababaihan kag paman-on, kag ginahatagan sang mabug-at nga timbang ang interes nila. Hugot ini nga nakaangot sa ila pag-entra kag pagpasulong sang inaway banwa.

Manggaranon sa leksyon ang pagpahugot kag pagpalapad pa sang paghiliugyon nga nalab-ot na kag napadaog sang mga tribo sa bulig sang bag-ong tipo nga *bodong*, pareho sang madamuan nga bahin kag malaparan nga *bodong* sang nagkalain-lain nga tribo nga Kalinga kag tribo Bontoc batuk sa Chico Dam Project sadtong panahon sang diktaduryang Marcos.

Nahugpong man sang mga malaparan nga *bodong* ang paghiliusa sang pumuluyo batuk sa pagsulod sang mga dumuluong nga korporasyon sa pagmina, komerysal nga pagtroso at iban pa nga negosyo nga mapang-agaw kag mapanamad sa duta, mga duna nga manggad, pangabuhian kag interes sang mga pungsodnon nga minorya. Sa hugot nga paghiliusa sang pumuluyo nga *binodngan*, ang ila mga armas nakatumod sa mga kaaway sa sahi kag sa reaksyunaryo nga estado kag indi sa kapareho nila nga pumuluyo nga ginapigos kag ginahimuslan. AB

Inaway sa Middle East

US kag Israel, nagaani sang kundenasyon

Indi na maagwanta bisan sang madamo sa mga armadong pwersa nga Israeli ang wala-pili sang ila gubyerno sa pumuluyo nga Palestino. Sadtong Septyembre, 27 ka piloto sang Israeli Defense Forces ang nagsuay sa mandu sang ila mga upisyal nga bombahon liwat ang mga komunidad sang mga Palestino. Kinundenar nila ang pagkamatay sang 100 ka sibilyan nga Palestino tuga sang labing ulihi nga pagpangbomba nga ginahimo sang ila mga kaupod. Bilang sabat, ginpamilit sang gubyerno nga Israeli nga dapat sila pahalinon kag kasuhan sang pagalsa kag pagbulig sa mga terorista.

Bag-o sini, sadtong Septyembre 20 ginkundenar man sang United Nations General Assembly ang plano sang gubyerno nga pwersahan pahalinon si Yasser Arafat, presidente sang Palestinian Authority kag puno sang Palestinian Liberation Organization. Nag-ani sang malapad nga kundenasyon halin sa nagkalain-lain nga bahin sang kalibutan ang pahayag sang pila ka mataas nga upisyal sang gubyerno kag militar sang Israel nga dapat patyon ang lider Palestino.

Naglapad subong ang pagpakamalaut sa mapintas nga okupasyon sang Israel sa Palestine kag sa direkta nga pagsuporta diri sang imperyalismong US. Sadtong Septyembre 27, dululungan nga ginklunsar sa nagkalain-lain nga pungsod ang dalagkuan nga protesta. Nag-abot sa 123,000 ang nagralli sa nagkalain-lain nga mayor nga syudad lakip ang London kon sa diin masobra 100,00 ang nagpartisipar.

Sa pihak sini, padayon ang huringong postura sang Israel kag sang amo sini nga imperyalista. Si-ning Oktubre 5, ginpaulanan sang bomba sang mga tropa nga Israeli ang baryo sang Ain-as-Saheb sa Syria nga ginapuy-an sang mga Palestino nga refugee.

Ginahukmugon abi kuno ini sang mga terorista. Makahuluya

nga gindepensahan pa sang US ang makasiligni nga aksyon sang Israel.

Antes ini, pila ka beses nga ginapakan sang mga tropa nga US ang Syria sa paagi sang pagpalupad sang eroplano sa kahanginan sang pungsod nga wala pahanugot. Duha man ka sibilyan nga Syrian ang namatay sang palukpan sila sang mga suldado nga Amerikano samtang nagatabok pakadto sa Iraq agud magduaw sa ila mga himata. Suno sa isa ka upisyal sang Syria, daw nagahangkat sang gera ang US.

Samtang, agud pakalmahon ang kaakig sang mga Muslim labi sa Middle East, ginkomisyon ni Bush ang isa ka 13 katawo nga grupo nga ginpamunuan ni Edward P. Djerejian, anay ambasadador sang US sa Israel kag Syria, agud hibalon kon paano mapahamot ang US sa atubang sang mga Muslim.

Suno sa report ni Djerejian si-ning Oktubre 2, kinahanglan mangin mas agresibo pa ang US sa pagpropaganda sa mga pungsod nga Muslim ang kadam-an nga populasyon. Ugaling wala ginsambit ang report bahin sa mapanghimulos kag mapiguson nga mga polisiya sang US sa nasambit nga mga pungsodang ginatunaan sang nagaawas nga kaakig sang mga pumuluyo diri batuk sa US. AB

5 patay sa engkwentro sa Misamis Occidental

DUHA ka suldado kag tatlo ka elemento sang CAFGU ang namatay sang magkaengkwentro ang mga Pulang hangaway sa idalom sang Misamis Occidental Front Operational Command (MOFOC) sang BHB kag mga elemento sang "A" sang 5th IB kag 34th Military Intelligence Company sang Philippine Army sa Barangay Manalac, Sapang Dalaga sadtong Oktubre 2.

Una nga nakit-an sang nagabantay nga mga gerilya ang nagapa-abot nga mga suldado. Gilayon nga nagmanioobra ang BHB kag ginpalukpan ang mga suldado.

Sa isa ka pahayag sining Oktubre 4, ginsiling ni Ismael Marte, tagapamababa sang PKP-BHB sa Western Mindanao, nga ang numero sang mga kaswalidad nga gintuga sang BHB sa kaaway pamatuod sang mataas nga moral kag malig-on nga paghiliusa sang mga Pulang kumander kag hangaway mangin sa atubang sang mga depensiba kag pag-atake sang mas daku nga numero sang kaaway. Ginhimutig man ni Marte ang report sang 101st Bde sa midya nga 12 ka Pulang hangaway ang namatay sa engkwentro.

5 tropa sang SOT, patay sa ambus sang BHB sa Albay kag Isabela

LIMA ka tropa nga katapu sang Special Operations Team (SOT) sang Philippine Army ang napatay sa duha ka separado nga ambus sang BHB sa Albay kag Isabela sining ulihi nga simana sang Septyembre.

Sa Albay, apat ka elemento sang isa ka SOT sa idalom sang 31st IB ang napatay sang ambuson sila sang Bag-ong Hangaway sang Banwa (BHB) sa Barangay Oma-oma, Ligao City sining Septyembre 28. Nagahimo sila sang "*barangay immersion*"-isa ka bahin sang "kontra-insureksyon" nga operasyon sang SOT sa nasambit nga baryo-sang ambusan sila sang mga Pulang hangaway mga alas 3:30 sang hapon. Namatay ang sarhento nga nagapamuno sa SOT kag tatlo pa ka suldado. Nakumpiska sa ila ang pito ka M16, mga bala kag iban nga kagamitan military.

Antes sini, isa ka suldado ang napatay kag isa pa ang malubha nga napilasan sa pag-isnapp sa SOT sang 502nd Bde sa Isabela sadtong Septyembre 23. Naga-operasyon sadto ang mga suldado sa Barangay Villa Bello, Jones sang atakehon sang mga Pulang hangaway.

Mga empleyado sang gubyrerno, nagprotesta batuk sa paghikaw sang mga benepisyo

LABAW ang kaakig sang mga empleyado sa mga puno kag maneydsment sang Government Service Insurance System (GSIS) bangud sa ginahimo sini nga pagpatuyang sa ila natipon nga ginpangabudlayan. Umpisa sadtong Mayo, temporaryo nga ginpauntat ang pagpautang kag paghatag sang mga benepisyo kag pensyon sa mga katapu sang GSIS bangud nalugi na ang institusyon.

Sang una, ginbalibad sang mga puno nga ang pag-areglo sang ila sistema bunga sang pagkaatrasar sang paghatag sang mga pautang kag pensyon. Sining ulihi, ginaako na sini nga kulang ang pondo sang GSIS bangud kuno wala ginhatag sang mga departamento sang gubyrerno sang mga remitans para sa mga benepisyo kag pensyon sang ila mga empleyado.

Gin-insister sang mga empleyado ang gilayon nga paghatag sang ila mga benepisyo, ang pagpatuman sang mga daan nga proseso sang pagpautang, pag-untat sa pagsukot sang mas mataas nga kontribusyon, pag-imbestigat kag pagkaso sa mga puno sang GSIS kag may tiglawas sang mga empleyado sa *board of directors* sang institusyon.

Monumento para sa mga rebolusyonaryo nga martir, ipatindog sa Iloilo

ISA ka monumento para sa mga rebolusyonaryo nga martir kag baganihan sang paghimakas batuk sa diktaduryang US-Marcos ang pagatukuron sa Plaza Libertad sa Iloilo City. Magaserbi ini nga handumanan sang nagaabot sa 300 nga lalaki kag babaye sa kubay sang mga mamumugon, mangunguma, estudyante kag iban pa nga sektor sa Panay nga naghalad sang ila kabuhi

sa pagpakig-away sa pasista nga diktadurya.

Mga isa ka gatos nga mga himata kag kaabyahan sang mga martir lakip na ang mga katapu sang mga organisasyon sa tawhanon nga kinamatarung ang nagtambong sa *groundbreaking ceremony* para sa pagatukuron nga monumento sadtong Septyembre 21, ika-31 nga anibersaryo sang deklarasyon sang layi militar.

Guingona, Legarda, naghalin sa partido sang administrasyon Arroyo

NAGASUNDANAY nga naghalin sa partido Lakas sining Oktubre 1 kag 2 sanday Sen. Loren Legarda, bise presidente sang partido para sa Visayas, kag Bise Presidente Guingona, presidente sang partido. Pareho nila ginbangdan ang indi pagkasanto sang ila mga prinsipyo kag panindugan sa mga ginapaluntad nga polisiya sang partido sang rehimeng Arroyo.

Madugay na nga nagakontra si Guingona sa papet, pasista kag kontrapumuluyo nga mga polisiya sang rehimeng Arroyo. Sa paghalin, siling niya, sa partido Lakas mahimo na niya hayag nga pakamalauton ang rehimen. Sa kamatuoran, gin-atake na niya ang rehimen bangud sa kapaslawan sini nga ipatuman ang reporma nga ginpromisa niya sadtong ibutang siya sa Malakanyang sang malapad nga paghulag sang pumuluyo.

Naghalin ang duha ka lider sang partido sa tunga sang mga preparasyon ni Arroyo para magdalagan bilang presidente sa 2004, baliskad sa iya ginpangako sadtong Disyembre 30, 2002.

Ang paghalin sang duha isa ka positibo nga tikang sa pagkabilugan nga kundenasyon sa rehimeng Arroyo. Mas mayo para kanday Guingona kag Legarda nga indi mag-entra sa anuman nga partido oposisyon nga garuk, oportunista kag kontrapumuluyo man pareho sang ila ginbayaan. Pinakamaayo nga makig-angot ang duha ka lider sa mga progresibo kag demokratiko nga pwersa nga yara sa unahan sang mga prinsipyado nga paghimakas sa mga malahalang nga isyu batuk sa nagahari nga reaksyunaryo nga rehimen kag sistema.

Nagalaum ang PKP nga madamo pa nga katapu sang Lakas ang magasunod sa ginpakita nga halimbawa nanday Guingona kag Legarda nga wala kahadlok sa pagpakamalaut kag pagbuyagyag sa mga kaso sang korapsyon, pag-ikog-ikog, militarismo kag iban pa nga kontrapumuluyo nga tikang sang Malakanyang.

Arroyo, primera klase nga pumuluyo Sang US-Ambassador Ricciardone

SA sobra nga pagpakapapet ni Presidente Arroyo sa US, pwede gid siya mabilang nga pumuluyo sang amo nga pungsod. Ini mismo ang ginhambal ni Ambassador Francis Ricci-

ardone sa atubang sang Foreign Correspondents' Association of the Philippines sadtong Oktubre 1. Siling niya, si Arroyo "isa ka primera klase nga pumuluyo sang United States..."

Numero sang imol sa US, nadugangan sang masobra 1 milyon

MASOBRA isa ka milyon nga pumuluyo sang US ang nagdugang sa kubay sang mga imol sadtong tuig 2002, suno sa Bureau of Census didto sining Septyembre 26. Base sa depinisyon sini sang imol nga pumuluyo, nagdaku ang ila numero halin sa 32.9 milyon pakadto sa 34.6 milyon halin 2001 tubtub 2002. Amo man, nagsaka ang tantos sang kaimulon halin sa

11.7% pakadto sa 12.1% sa pareho nga panahon. Nagnubo man sang 1.1% halin 2001 ang kita sang abereyds nga pamilya.

Paktor sa nagataas nga tantos sang kaimulon kag pagnubo sa kita sang pumuluyo nga Amerikano ang nagataas nga tantos sang disempleyo sining nagtaliwan nga duha ka tuig.

2 suldado nga naghalin sa AFP, ginpresentar sa midya

PORMAL nga ginpresentar sa midya sining Oktubre 5 ang duha ka suldado nga naghalin sa AFP sadtong Agosto. Sanday PFC Boboy Abduhasad kag Cpl. Edward Quirante sang 29th IB nag-atubang sa isa ka *press conference* nga ginpatagawag ni Jorge Madlos, tagapamababa sang NDF-Mindanao agud ipangin-wala ang report sang AFP nga ginpatay sila sang BHB.

Naghalin sanday Abduhasad kag Quirante sadtong Agosto 7 sa San Luis, Agusan del Sur kag nag-entregar sang siyam ka mabaskog nga armas sa BHB. Upod nila nga naghalin ang iskward sang CAFGU nga ila ginapamunuan.

Reyes kag Corpus, may bag-o nga pusisyon

GINHATAGAN sang promosyon ang duha ka upisyal nga sang nagligad nga inadlaw lamang napilitan magbiya bangud sa mga kaso sang pasismo kag korapsyon.

Ginombrar ni Presidente Arroyo si anay Defense Sec. Angelo Reyes bilang *ambassador-at-large* para sa kontra-terorismo kag si Gen. Victor Corpus bilang hepe sang Civil Relations Service sang AFP.

Ginbasura na sang rehimen ang imbestigasyon sa mga kaso ni Reyes. Nalipay gid si Corpus sa iya bag-o nga pusisyon bangud bagay gid kuno ini sa iya kahanasan bilang eksperto sa saywar batuk sa rebolusyonaryo nga hublag.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIV No. 17
Oktubre 7, 2003
www.philippinerevolution.org

Editorial

Gloria Macapagal-Arroyo, numero uno nga ipokrita

*Pahayag ni Gregorio "Ka Roger" Rosal
Tagapamaba, Partido Komunista sang Pilipinas
Oktubre 4, 2003*

Numero uno nga ipokrita si Macapagal-Arroyo sa paghambal nga napilitan lang siya sa pagbaylo sang isip bangud sa "mas mataas nga prinsipyo" kag batunon nga "daku nga sakripisyo" ang desisyon nga magdalagan sa 2004. Makasuluka ang pamulong-pulong niya nga maathag nga nagabinutig sa atubang sang pumuluyo nga adlaw-adlaw nagaantos sang tuman nga kabudlayan sa pagkapapet, militarismo, korapsyon kag pagkainutil sang rehimen. Sa atubang sang pumuluyo nga Pilipino makita kon ano kadaku ang benepisyo nga ginaangkon ni Arroyo kag sang iya mga kahimbon sa poder sa padayon niya nga pagpungko sa trono sa Malakanyang.

Wala sang bag-o kag makakilibot sa pag-anunsyo ni Gloria Macapagal-Arroyo sa desisyon niya nga magdalagan sa maabot nga eleksyon sa 2004. Madugay na nga nahibal-an sang bug-os nga pumuluyo ang pagkabuyo niya sa gahum nga iya lubos ginapanginpuslan. Gintalikdan na gani siya sang nakapaminsar nga mga alyado niya.

Ang matuod nga indi masa-

rangan ni Arroyo nga talikdan ang minilyun-milyon nga piso nga nahugakum niya kag sang iya bana bunga sang korapsyon kag dalagku nga pribilehiyo sa negosyo. Indi masarangan ni Arroyo nga talikdan ang hutik sang iya diyos nga si Pres. George W. Bush sang U.S. nga bulag niya gina-idolo kag ginaalagaran. Kag ano nga kaayuhan sa pumuluyo nga Pilipino mahatag sa kagustuhan ni Arroyo nga magpabilin pa sang anum ka



***Mga tampok sa
isyung ito...***

**Masaker sa Compostela
Valley, ginkundenar**
PAHINA 4

**Minilyon nga piso
nga kinawatay
sa PAGCOR** PAHINA 6

**Rebolusyonaryo
nga unyonismo,
nagalapnag** PAHINA 7